

ZAKILIXUT

© Olariagak



Gaztetxe hura gogoan

■ 1992rarte Bilboko gaztetxe izan zena heldunetzako unibertitsate bilakatu gura dute

ZAZPI urte dira Bilboko Alde Zaharreko eraikin hori hutsik dagoela, hustua. Gaztetxea izan zenak jendearen joan-etorriak ikusi ditu, baina kalean, Alde Zaharraren bihotzean. Orain, Bilbao Bizkaia Kutzak Euskal Herriko Unibertsiteari eskaini dizkio lokalak, garai batean Alde Zaharreko Gazte Asanbladari eskaini zion moduan. Unibertsiteak 50 urtetik gora-koentzako zentral bilakatze-ko asmoa du. Hala aipatu izan da. Auzoan, zerbait entzun dute. Baina zazpi urtetan hutsik egon eta gero...

EGUNKARIAK garai hartan gaztetxean zebiltzanengana jo du, Alde Zaharrean bertan. Haiek badute albistearen berri, eta, egia esan, nahiago lukete ezeren gainetik gaztetxeari edo kulturetzari lotutako zeozer izatea. Karmelo Aberasturik gertutik ezagutu zuen gaztetxearen dinamika: «Oso esperientzia polita izan zen hura: horrenbeste gazte, horrenbeste denbora elkarrekin lanean, kultur proiektu bat aurrera ateratzeko», gogoratu du Karmelok, etsita, gaztetxea izandako etxetik metro gutxitara. Galdu egin zuten, ebatsi egin zieten urte haie-tako guztietako ametsa. Goitik behera itxi zuten, eta geroago Gayerre bezalako zentruak ere bota-



MIKEL MARTINEZ

razi zituzten, Alde Zaharrean bertan.

Auzoko gabeziak

Bilboko Udalak, gaztetxea itxia-razi ondoren, bi proiektu abiarazi zituen: Burtsa zentroa eta Bilborock aretoa. Espazio horietatik kanpo ari dira lanean Gazte Asanbladakoak garaiotan. Jarraitzen dute, Atxuri kalean duten lokaltxo batean. 15 hilabete daramatzate gazte lokalean. Bertako partaidea da David Lizarralde, eta oso kritikoa ageri da Udalak eskainitakoarekin: «Burtsan, adibidez, auzoko elkarteak, auzotarrena, gazteena-eta hortik kanpo gaude, guretzat lekuri ez dutelako, eta orain barregarria da, gaztetxea zena unibertsiteari eskaini diote... Oso barregarria, benetan». Lizarralde kexu da: «Egia da zaharrak azpiegitura beharrean daudela gure auzoan, baina bultzatu gura dutena ez dago gure auzokideengan pen-

Hutsik dago
egoitza
aspaldiko urte
hauetan.
Jendearen joan
etorriak
kanpotik baino
ez ditu ikusi
gaztetxe
zaharrak.

tsaturik; Bilboren irudia eduki dute kontuan».

«Zergatik ez dute Abandoibarran jartzen nagusientzako eskola hori?», galdetu du Bihotzean auzo elkartearen kide Migeltxok. «Alde Zaharra beti kanpotik diseinatu den digute, gure iritzia kontuan eduki barik, eta orain berdin jazo da. Auzoan, gazteentzako, umeentzako eta hirugarren adinekoentzako espazioak behar ditugu, eta kanpotik diseinatutako politika ari da erabakitzen Alde Zaharreko guneak». Kritiko dira Alde Zaharreko bizilagunak ere. Eta adin guztietarako behar lukeen gune horren eskaria egin dute: Santa Maria eskola. B eta D ereduak aurrera egiten duten heinean, A ereduak zen hori auzorako gura dute Bihotzean elkarteak. Gazte Asanbladakoek baino zorte hobea izango ote dute?

Patxi Gaztelumendi

BILBO

kasu!

► Izurde bat hilik aurkitu dute Zierbenan

Atzo goizean, pertsona batek izurde bat aurkitu zuen, hilik, Zierbenan. Petronorreko atrakalekuaren eta superportuaren eraikin berriaren artean ikusi zuen, eta berehala Gurutze Gorriari eman zion abisu. Salbamendu talde bat bidali zuten, baina ezin izan zuen ezertxo ere egin izurdea salbatzeko. Algortara eraman zuten, Euskal Herriko Unibertsiteateko biologoek azter dezaten.

► Behor batek sekulako ostikoa eman zion atzo Loion gizon bati

EZUSTEKO ezbeharra gertatu zen atzo Loion (Bizkaia). Behor batek ostiko ikaragarria eman zion 53 urteko gizonezko bati eta, ondorioz, Gurutzetako erietxera eraman behar izan zuten. Medikuek berehala egin zuten diagnostikoa, eta txan-txa handirik gabea izan zen: besoa hautsi dio behorren kolpe latzak.

► Zetazeoak zaintzen ikasteko ikastaroa

Azore uharteetako hondartzetan zetazeo ugari azaltzen dira urtero, hondoa jota. Izurdeak eta baleak izaten dira horietako asko; sofri-mendu handia izaten dute, eta horrek jende asko hunkitzen du. Horregatik, haiek zaintzen ikasteko ikastaro berezi bat egingo dute Madalena hirian. Orain arte inoiz ez da egin horrelako esperientziarik eta, horregatik, ikusmin handia dago, nola aterako ote den ikusteko.

Bilbao Bizkaia Kutzak
EHUri eskaini dizkio
lokalak, garai batean
Alde Zaharreko Gazte
Asanbladari eskaini
zion moduan